

ARUWEN LEGISLATURE-UN EWE MUUN CHUUK

ARUWEN MWIICHENAP, MAY RUU 1983

NAMOPUNG NO.: 2-117

EW NAMOPUNG

A awora ukukun \$50,000 seni ewe Monienapen ewe State ren fan asengesin monien asukuna ewe anapanapen Chunapen Annukun Chuuk, me pwan ren ekkoch popun.

Epwe pung me ren ewe Legislature-un Chuuk.

Tetten 1. Iei a kawor ukukun \$50,000, ika fite ukukun mei namot ren an epwe tongeni naaf, seni ewe Monienapen ewe Muun Chuuk ren fan asengesin monien asukkuna ewe anapanapen Chunapen Annukun Chuuk.

Tetten 2. Ei ukukun mei kawor me non Tetten 1 epwe no-ngeni ika einet ngeni ewe Kepina, ewe epwe wisen tumunu nounoun me mwokutukutun ewe moni fan iten ewe Legislature ren an epwe chok fiti meta mei affat me non Tetten 1 ren sakkun mwokutukutun ewe moni, ive esap pwan wor katoun me nounoun ei moni epwe nap-seni ewe ukukun mei kawor. Met ukukun ei moni esemwo it ne nounou ika esemwo nussuno non September 30, 1985, epwe niwin sefan ngeni ewe Monienapen ewe State.

Tetten 3. Ewe Kepina epwe awora an repot won napanapen nounoun me mwokutukutun ei moni ngeni ewe Legislature me mwen April 15, 1985, epwe affatatiw:

1) Unusen porausen nounoun ewe moni fongon me ukukun nussun ewe moni mei chiwen wor non April 1, 1985;

2) met sakkun atoot ika anapanap ren ewe nussun moni esemwo nounou tori April 1, 1985, an epwe nounou non met ukukun ewe fiscal year nge och sopolopun repot epwe pwan kawor nefinen 20 ran me murin soponon ewe fiscal year ngeni ewe Legislature ika ew committee mei finita, epwe affatatiw napanapen me mwokutukutun ewe moni; pwan

3) awora anapanapen ukukun moni epwe kawor ren fan asengesin monien asukkuna ewe anapanapen Chunapen Annukun Chuuk.

Tetten 4. Ei Namopung epwe poputa pochokunan ika a kapunguno me ren ewe Kepina, ika an pusin winititi annuk won winikapan nge esemwo kapunguno.

Sain seni:

Simeon Innocenti, Speaker
Truk State Legislature

Annetata:

Datati Albert
Legislative Chief Clerk
Truk State Legislature

Pwinin maram:

Jan 16, 1985

A Kapunguno seni:

Erhart Aten, Governor
Truk State Government

Pwinin maram:

January 21, 1985